

◆施滄液

行香子·秋聲

月色惺忪。秋意疏濃。最擾人暗蛩陰蟲。交鳴起伏，急響渾融。向籬邊唱，花邊鬧，客邊汹。

柔腸縈損，西風吹鬢，奏商聲誰按絲桐。蒼涼落月，嘹唳孤鴻。嘆杯無酒，人無寐，夢無蹤。

鷓鴣天·對酒遣懷

把盞孤斟眉未舒。西風斷雁憶江湖。別來足下萍蓬轉，老去庭前燕雀疏。

况味澀，酒懷孤。梧桐蟋蟀白頭烏。秋宵多少飄零恨，獨倚閑欄聽鷓鴣。

念奴嬌·甲辰中秋于菲島

人間今夕，正中秋，瓊宇待懸圓璧。域外山青車馬靜，雨霽椰林烟濕。皓魄穿雲，流光出谷，輾碎溪橋白。旅魂無奈，與誰同赴瑤席。

我獨望眼婆娑，倚樓長嘯，何處馳心迹。把酒良宵圖放醉，愁緒幾時消得。桂影花香，蛩聲竹韻，萬里迢迢隔。浮雲遮斷，一輪天際敲側。

◆許宛兒

依韻張校長之《行香子·秋思》

秋夜綿長，飛白披霜。憶停雲心緒微茫。原期攜手，不意成涼。惜形之悴，心之噬，夢之惶。

倚欄凝望，憑添悵惘。念曾經痛斷肝腸。閑愁難掩，懶對華裳。盼春回暖，月回滿，影回雙。

◆客寧

憶江南三首

(一) 雨後初晴

陽光好，燦爛入晴窗。夜雨隨風銷霧跡，晨風迎日送花香。微語讚非常。

(二) 秋醉

醺酣醉，竟是末途窮，三日悲歡波迭浪，半生災福雨乘風。前景見龍鍾。

(三) 節日問候

江南遇，求學幸同期。萬里鳳飛虹兩伴，百行梧取教枝棲。相見奉吾師。

女神之告別

遠方一陣自由風，吹向南西折北東。走石飛沙扛鼎力，起漣漾浪幻魔功。怕嗒圈出危機伏，說甚情包逗笑瘋。告別平庸行我素，不凡獨立一驚鴻。

◆醺人

返步奉和客寧詞長《憶江南三首》

一、雨後初晴

南洋地，晴雨本無常。遽雨東樓剛酒醉，初晴西閣又花香。詩意滿書窗。

二、秋醉

蟾宮瑟，當進酒千鍾。杯滿醞醇添逸趣，蟹肥膏足助詩風。秋醉樂無窮。

三、節日問候

生有幸，多益友良師。疊韻酬和舒野叟，過年逢節慰林棲。塵世再無期。

◆蔡天生

一統情之一

海晏風清皓月盈，中華一統順民情。共襄兩岸和平策，直教神州長太平。

一統情之二

劈波斬浪駕長鯨，志在神州一統情。指日揮師徵海峽，金甌無缺慶升平。

◆松濤

秋天十大雅事

(其一) 拾秋葉

院前丹楓影漸疏，蕭蕭搖落滿階除。拾來一葉擬題字，風卷紅殘任展舒。

(其二) 望秋月

玉輪冰徹落江天，又見金秋月正圓。小徑竹梢風弄影，西樓橫笛唱嬋娟。

(其三) 觀殘荷

柳影半黃池水寒，紅衣褪落悵回看。蓮塘翠減秋風急，菡萏香銷夕照殘。

(其四) 聞桂香

黃蕊枝頭掛夕陽，隔簾風送晚花香。白涵芬馥園中桂，一樹濃華壓眾芳。

(其五) 品秋茶

觀音肉桂兩相宜，雅韻餘香趣可知。小苑客來呼品茗，琴壺雅興共裁詩。

(其六) 食秋果

庭樹經霜柿子紅，香黃橙橘誘村童。未嘗嘉果垂涎滴，暮涼蟬催秋意融。

(其七) 賞秋菊

秋芳吐艷不畏寒，金蕊香盈盡娜姍。傲骨凌霜枝影瘦，賞花莫待菊英殘。

(其八) 聽秋雨

秋山染黛近如無，疑似雷雲作畫圖。獨倚西窗閒聽雨，靜看庭砌落跳珠。

(其九) 登秋高

半山橙柚正青黃，重九登高雲作鄉。眺遠同吟秋水句，相期共泛醉霞觴。

(其十) 閒秋居

鷗閒居樂水雲悠，晴野風清暑氣收。陋室方知寒有味，一庭紅葉一庭秋。

◆微塵

秋寄（重字詩）

忽見悲秋秋月圓，無端端我酒千壺。期期九和星稀夜，共爾悠悠醉碧湖！

◆柳夢影

武漢至宜昌車中口占

老去未曾遊興減，此身依舊少年同。歲月相催渾不覺，心如原野總青蔥。

車往三峽大壩途中憑橋遠望

一瞥回眸橋上望，鴻飛荆楚過忽忽。秀水靈山故國地，此心長有旅情濃。

遊恩施大峽谷急就（新韻）

地裂天開奇景生，穿行峽谷嘆神能。興亡百代人間事，白石山中自縱橫。

◆宸馨

中秋夜

天懸一鏡照秋空，此夜相思今古同。幸有徵鴻傳錦字，尺書數語訴深衷。

中秋月

銀盤輝耀桂香盈，佳節來時倍有情。照見閒庭花影疊，溫馨入夢伴秋聲。

◆陳挺

驚聞清水宗兄之訃

舊雨相知忍棄捐，鶴飛蟬蛻竟登仙。斷魂消息成今古，歸骨程途渺海天。千劫生涯先自了，萬重心事更誰憐。風塵逆旅同為客，老淚並將達九泉。

◆傅玉成

中秋

忽聞故國又中秋，域外南洋陰雨愁。遙望雲間星閃爍，獨思庭院桂香稠。尋常碟碗宴賓客，暗裡風波湧急流。旦夕枕戈持正氣，一輪明月照西樓。

◆王承天

秋日寄居台友人

一夕金風暑氣收，人間物象顯清幽。庭籬香繞綻黃菊，明月高懸照白頭。時光感逝天涯客，家國情牽心上秋。笑泯恩仇犁共鑄，玉山正好補金甌。

秋日感懷

季轉時移誰可禁？風來採葉動秋心。命途政局如雲幻，世味人情似海深。觀宇飛霞携雁影，開窗問月盼鄉音。三杯兩盞茶和酒，身在夷邦獨酌斟。

行香子·有憶

柳岸烟輕，江渚鷗飛。恰波平、夕陽霞隨。亭亭蓮放，點點帆馳。便風憑欄，花憑樹，友憑池。

廊前徑踏，亭中手携。憶昔年、竹馬扶騎。不言憂樂，猶恐疏離。念情同存，曲同唱，夢同時。

中秋懷舊


【南瀛社課】

== 2024年9月 ==

主題：中秋懷舊

體裁：詩詞曲賦不拘

韻部：自選



醺人

滿庭芳·中秋懷舊——步晏小山「南苑吹花」原韻

依舊中秋，故人又減，追懷方寸千重。投緣詩酒，逸趣再難逢。瞧透功名利祿，隱於市、避世墻東。相知契，所餘可數，萬里送書鴻。

幾曾憑網絡，月圓時節，酬奏弦桐。寄平仄，交流旖旎從風。呼友聚朋同醉，多少事、長在心中。韶華逝，歲輪無情，不再炫芳紅！

宸馨

《滿庭芳·中秋懷舊》依韻醺人詞丈

把酒孤吟，驚秋一夢，軒階花影三重。蟾盤皎白，萍水幾回逢。相憶曾憑此夜，梅柳意、遙隔西東。十分月，良辰恬寂，堪羨遠歸鴻。

今宵痴妙樂，騷詞桂露，玉律絲桐。熬爐香，閨庭靜逐金風。雪鏡光寒銀漢，圓缺事、皆入詩中。霜侵鬢，垂簾擱筆，獨酌嘆酩紅！

少峰

《滿庭芳·中秋懷舊》依韻醺人詞丈、宸馨女史

韶綺飛流，蒼穹變幻，愁雲霾霧多重。陰晴玉彩，圓鏡又時逢。悔却良宵虛度，殘酒冽、賞菊庭東。緒馳遠，惜情懷舊，題葉寄歸鴻。

嫦娥心寂寞，解憂起舞，醉落疏桐。嘆狂痴，悲歡離合隨風，冷暖炎涼涉世，人間事、歷盡其中。飄黃絮，枯榮有序，傲雪贊梅紅。

凌子卉

水調歌頭·中秋懷舊

多少情意結，縈繞在中秋。橫風斜雨匆匆，涓水不停流。捲起苦衷淒楚，嚼盡人間冷暖，迴首不堪憂。人若荒年渡，誰矚意沉浮？別時易，見是盼，復還休。朝朝暮暮，任歲華鬱鬱濃愁。夢短夜長無異，終有間中留白，懷舊透明眸。但願月圓在，牽掛載心頭。

農夫

中秋懷舊

十九年前圓月下，岷灣江畔樹南瀛。傳承國粹古香溢，融合客風新句鳴。最喜翰墨唐宋韻，但悲詩友別離情。舉頭呼喚六君子，今夜同歌夢裏行。注：1. 南瀛成立於2005年中秋節；2. 六君子指疫情期間失去的六位詩兄，悟真、晴雨、靜思、王文漢、弄潮兒、一民。

陳挺

中秋懷舊

蟾華如水引登臨，萬里清光照客襟。碧澈冷冷秋海渚，金風細細晚霜砧。故人知是當年月，老我難為此夜心。佳節幾逢身且健，無塵世界約重尋。

王承天

中秋有懷

又屆中秋人海涯，回思多日悶難捱。風來熱退鳥歌脆，暑去雨多水漲街。眺遠蕉椰多翠綠，夙祈邦國絕鼠豺。雲開月現天心皓，應與故鄉無色差。

中秋懷舊

今宵佳節月何遲？舉盞憑欄有所思。霧影婆娑庶半字，菊香漂渺似前時。如歌歲序輪肝膽，幾度憂危勁扶持。玉鏡深更來朗照，冰心留取不須疑。

藍山

中秋懷舊

葉落凋黃仍報收，春華得失信因由。早煙應手舒胸氣，鹹菜持家順胃流。勞作艱辛皆有慮，老勤決定已無求。月光圓缺悠然過，最是秋心憶寫愁。

千山綠

中秋望月思故鄉

玉盤皎皎挂窗前，國慶中秋雙節連。霜滿關山添爽氣，心隨鴻雁越長天。夢來屢把童年憶，醒後猶將苦酒傳。詩意蒼茫誰解得，高城燈火豁眸燃。

逸峰

旅外回顧

早歲離鄉海外奔，性情隨興冒風塵。奔波客地存牽掛，掛念家園夢故村。差異雖多無恐怖，隨流不懼守恭根。古今中外因緣善，生活正常仁義遵。

勞麓

返步奉和逸峰兄《旅外回顧》

去國鄉情尚恪遵，花飛萬里莖連根。稚齡嬌養如元寶，老大飄零又一村。地北天南遺足跡，漢夷中外踢沙塵。回眸過往猶鷗夢，幾許經緯任我奔？！

惜貞

中秋懷舊

秋夕涼風爽，清輝喜共酣。一燈回水岸，千里寄鄉談。話舊人聲逐，流香桂餅含。情懷隨鬢老，幸有墨分甘。

客寧

懷念

月圓人缺夜，懷念眼氤氳。告別書齋在，相逢夢境真。弟兄情誼重，知己畫詩因。惆悵天雲闊，三更淚濕巾。

